

Mir sind im Liecht (Anfang)

T/M: Daniel Liauw

Mir sitzed im Dunkle, händ kein Schmitter was passiert,
es git niemer, wo im Gringschte sich für eus int'ressiert.
Niemer kännt eus, niemer suecht eus, niemer weiss, wer mir sind.
Mir sind unbeschrieb'ni Blätter, grad wie neugeborni Chind.
Und mir sitzed im Schatte, wüssed ned wies um eus stoht,
händ kän Plan und kei Ahnig, wohi ases goht.

Es git Lüt, die stöhd im Schatte, es git andri im Liecht,
und dene im Helle fällt alls eso liecht.
Mir wänd au mol a d Sunne, mir wänd au im Fokus si,
i de vorderschte Reihe vom Läbe debi,
wo mer gsund isch und schön isch und dezue au no gschid,
wo Gäld und Erfolg uf de Stross umeliet.

Mir sind im Liecht,
mir stöhd im Mittelpunkt vom Gscheh,
mir sind im Liecht,
und keine chan eus überseh.

(Vivien:) Händ euse Wäg glasklar vor Auge,
händ euses Ziel fest im Visier,
(Jenny:) mir werdet g'ached und bewund'red,
mir sind d Stars vo dem Revier.

Mir sind im Liecht...

(Magdalena:) Und all Konture werded schärfer,
und alli Bilder werded klar,
(Rubina:) und euse Blick luegd grad id Zuekunft,
und die isch eifach wunderbar.

Mir sind im Liecht...

(Svenja:) Und nüt und niemer wird eus stoppe,
eus haltet nüt und niemer uf.
(Lilli:) Will mir vor Sälbschtvertroue strotzed,
häm'mir en ändlos lange Schnuf.

Mir sind im Liecht...

Mir sind im Liecht!

Mir sind im Liecht (Ende)

T/M: Daniel Liauw

(Jenny:) Mir sind im Liecht, det isches hell und klar,
mir sind im Mittelpunkt, isch das ned wunderbar?
Im Liecht stoh wäm mir alli, mir alli händ de Drang,
Doch wo vill Liecht isch, gits vill Schatte, das weiss mer jo scho lang.

(Vivien:) Isch's denn so klar, wie mir meined? Isch alls so wundervoll?
Ned alls wo glänzt im Liecht und funkled, isch denn au so toll.
Wenn mir vom Liecht eus löhnd lo blände, uf Bilder eus verlöhnd,
denn mümer eus am Schluss ned wundere, wenn mer d Wohret nüm verstöhnd.

(?:) Mir sind im Liecht, mir gsehnd jetzt hell und klar,
ohni Liecht gits nüd als Dunkelheit, das isch jo sicher wahr,
doch Liecht isch au ned alles, s brucht mängisch au chli Rüh,
s isch de Kontrast wo s Läbe usmacht, und s Dunkle ghört dezue.

Mir sind im Liecht,
mir stönd im Mittelpunkt vom Gscheh,
mir sind im Liecht,
und keine chan eus überseh.

(?:) Mir wänd d Schattierige vom Läbe
mit Liecht und Schatte chönne gseh.
Es richtigs Bild brucht ebe beides
susch chasch vor luter Liecht nüd gseh.

Mir sind im Liecht...

Mir sind im Liecht!